


BIBLIOTEKA

Zakl. Nar. im. Ossolińskich

XVII 3.201







2.952

ms.  
his chron











IVLII AGRICOLÆ

VITA.

C. CORNELIO TACITO  
SCRIPTA,

IN QVA

Aulici optimi, Adulatoris vaferrimi, Militis fortif-  
simi, Consiliarij prudentissimi, Præfecti Prouinciæ vigi-  
lantissimi, Consulis auctoritate grauissimi, Ducis ac  
Imperatoris, rerum gestarum magnitudine  
præstantiss. varia ingenia, mores,  
studia, describuntur ;

Primò  
*In gratiam Iuuentutis. Academica.*



Operâ  
M. IOANNIS CYNERSKI RACHTAMOWI,  
Coll: Maioris, Eloqu. Profess. Tyliciani.

Per Aphorismos Politicos explicata ;

*Deinde, ob penuriam exemplarium, in lucem edita.*

Anno Dni 1643.

2.952

CRACOVIAE, In Officina Typographica Francisci Casarij.



C. COR. TACITVS,

*In Proœmio Agricola.*

Celeberrimus quisque ingenio, adproendam virtutis memoriam, sine gratia, aut ambitione, bonæ tantum conscientiaæ pretio ducitur.

THRASEAS MORITVRVS,

*Annalium Lib: XVI.*

*Specta Iuuenis; Et omen quidem Dij prohibeant, ceterum in ea tempora natus es, quibus firmare animum expedit, constantibus exemplis.*

SYDONIVS IN PANEGYRICO,

*Ad Anthemium.*

Quâ Crispus breuitate placet, quo pondere Varro,  
Quo genio Plautus, quo flumine Quinctilianus,  
Quâ pompâ Tacitus, nunquam sine laude loquendus.  
&c. &c.



*Generosis ac Magnanimis Iuuenibus,*

D. STEPHANO ZAMOYSKI,  
Castellanidæ Leopoliæ.

D. MICHAELI STRADOMSKI,  
FRATRIBVS AMITINIS,  
Inuicemque amantiss.

*In Palaestra Tyliciana, Nobiliss. Philorhetoribus,*

M. Ioannes Cynerski Rachtamouius, Coll. Maior, Eloquentiæ  
Professor Tylicianus, S. & P.



*Attenuis ex Vita C. Iulij Agricola, à C. Cor.  
Tacito scripta, Aphorismos Politicos, una  
vobiscum delibauì, Iuuenes magnanimi.  
Fuiſtis enim vos illorum frequentissimi,  
diligentiſſimiq; Auditores: ipſumq; ut fi-  
delibus ſubiectum haberetis oculis, deſide-  
raſtis authorem. Ecce verò meis impenſis, præſto habetis, bo-  
no publico, luci publicæ datum, & prælo excuſſum. Recipite  
omine fauſto, legite bonis auſpicijs, tantum eruditionis recon-  
dita theſaurum; verba verbis, res rebus, diligenti mentis tru-  
tinâ, examinate, perpendite; nunquam vos operæ inſumptæ  
penitebit. Quid effecerim, aut quid fecerim potiùs, binis in  
dieſ horis, lectitando, commentando; quid vos quoq; proſece-  
ritis, auſcultando, ſcriptitando; iudicent æqui rerum æſtima-  
tores. Equidem ſatis habui perſpectam, veſtram conſtan-  
tiam, alacritatem, fidem; quæ me ſæpiùs etiam languentem,  
erigebat & excitabat ad opus, non rudi penitus perſciendum  
penicillo. Spectaſtis & vos in Agricola, Aulici optimi, mili-  
tis fortiſſimi, Conſiliarij prudentiſſimi, Præſecti Prouinciæ*



Vigilantissimi Consulti auctoritate grauissimi, Ducis ac Imperatoris vestri magnitudinem praestantissimi, ceteraque quasi per gradus sensim tractata studia, & incrementa: Vnde usque ad hanc aulicorum adulatorum ingenia considerastis, veris scilicet rebus in agendis prudentiam, suspexistis abstracta, iudiciorum momenta, diuinationes etiam, coniecturas animaduersiones Politicorum, quibus non facta modo, & dicta hominum, sed sensa etiam & arcana Consiliorum inuoluuntur, iuxtaque recluduntur, ingenio sagaci penetrastis, perspexistis. Characterem porro dictionis, siccum quidem sed sobrium, adstrictum sed acutum, densum sed sententiosum, quo paucis plurima continentur, dicunturque, sepe etiam quae non dicuntur insinuantur tantum, admirati estis: indeque Tacitum, quoddaceat multis, quodque se ipsum etiam tacitus in gratiam insinuet prudentium, merito nominatum cognouistis, approbastis. Neque vero hac ego, tanquam mea vendito, mihi (quae ab aliorum graui iudicio profecta sunt) usurpo, sed amolior precipitem multorum licitationem, qui, quoniam nihil secum pretij ferunt, ne pilo quidem licentur, vel optima. Sed ista non vendendo inquam, dono vobis potius, Iuvenes magnanimi, vestroque nomini dicata volo: ut quod studia eloquentiae (quae rerum cognitione optimarum, nisi abundauerit, ut in lingua inanem volubilitatem degeneret, est necesse) vehementer amplexamini, alere possim non modo voce, & quotidiana lectione, sed etiam scripro, & memoria literarum. Quod ut faciam, cum vestri candidi mores, & ex opera bona, profectus bonus mereatur, cum Illustrium Parentum vestrorum, virtus singularis. Et de Tua quidem Gente ZAMOSCIA, Stephane magnanime, melius est silere, quam pauca loqui (ut de Carthagine dixit Sallustius) cum praesertim ingentem illius factorum



gloriam, non tantum noster hic Sarmaticus, sed Orbis etiam  
huc usq; admiraretur uniuersus. Illi ipsi, qui quotannis, varia  
et laborata rerum gestarum commemoratione, in Inclita  
Zamoscensi Academia, desudant Oratores, consumptis et in  
eodem emissis tot lucubrationibus, vix primò aditu, vastum  
meritorum Oceanum attigerunt. Gens enim ZAMOSCLA  
Illustrissima, prouida benignitate, Mineruam semper coluit,  
quam etiam in obsequium crudi Martis, eiusq; castra euocare  
non dubitauit, ut sapientia munitus praesidio, fortius, ac sali-  
cius pugnaret in hostem. Eadem demum opima spolia, in do-  
micilio Mineruae fixit, et Martem quasi consanguineo nexu  
Deae constrinxit, ut sagatus Deus, togata Dea, serena fami-  
liaritate emollitus, humanior videretur. Neq; virtus hac spe-  
ctata tantum fuit in uiris, sed Matronas etiam, in illustre  
certamen pietatis prouocauit. Propitium Numinis fauorem  
sensit imprimis, per Illustriss. olim Heroem IOANNE M  
ZAMOSCIUM, Patrem Patriae, Regni Cancell. Supre-  
mum Exercituum Ducem, bonorum ingeniorum ac literarum  
altrix Academia, qui primus Musas è Parnasso, in suum Za-  
moscium euocauit, ut ingeniosior ad Patriae praesidium surge-  
ret posteritas, sensit similem propensionis affectum in THO-  
MA ZAMOSCIO, Regni quoq; Cancellario, qui ob ho-  
norem Patris, uno minor gradu, decessit è vita. Sensit et  
in CATHARINA ZAMOSCIA, omnibus heroicis  
virtutibus ornatissima Matrona; quae quod desideratissimus  
Coniunx, magnifice parauit, et iniunxit; magnificentius in-  
struxit, disposuit, propagauit. Vidi praesens ipse (dum ea in  
Urbe hospes essem, cum Generoso Francisco Lesniowski, Ca-  
pit. Branccon.) per amplum locorum ambitum, structuram et  
muros et cuncta quae in illis aedificia-



disficioꝝũ uisendam in iconẽ aspexi, & suspexi depositum  
ingens impensarum, paratum ac designatum intellexi: quæ Tu  
singula Illustriss. IO ANNES ZAMOYSKI, & libeꝝ  
enim absentem compellare) uita, paternæ, maternæq; uirtu  
tis ac indolis heres. Numine propitio, magnificentiſſimẽ per  
ficere (quæ Tua est in bonas literas propensio) debebis. Sed quo  
me pius feruor abduxit, & admiratio? Illustriss. equidem  
VENCESLAVS ZAMOYSKI, Castell. Leopoliens.  
Tuus Parens Generose STEPHANE, quantum ualuerit  
fortitudine in periculis sustinendis, prudentia in rebus agen  
dis, felicitate in perficiendis, iustitia in negotiis dubiis diu  
dicandis, res gestæ, non in Polonia solum, sed etiam in Hunga  
ria, a prima ætate, ad hanc ipsam deuexam gratitatem liqui  
dò testantur. In illius pectore prudens Consus, in ore Suardella  
residet gratissima. Morum enim Comitatus tanta est, ut sit ne  
mo, Vicinorum externorumq; hominum, quem non pertrahat,  
in amorem sui, & intimam charitatem. Cum uerò sit illi in  
Senatu ætate par nemo, meritò Nestor Sarmaticus potest ap  
pellari. Non minus enim prompto consilio, quàm flexanima e  
loquentia, nec solum annis quàm rerum usu, atq; prudentiæ  
abundat ille Gentis ZAMOSCIÆ uetustum tuetur decus,  
ille promouet intimas consiliorum rationes, ille propositi tenax  
curat, & inuigilat, ut ne latum unguem, à moribus antiquis,  
priscaq; fide, & maiorum sancitis atq; uoluntate, alioſum di  
ſcedatur: unde eam retinet auctoritatem, quàm Fabius ille  
Maximus, qui cunctando Romanam restituit rem, conserua  
uit. Quæ sit illius pietas, erectum Xenodochium & dotatum  
beneficiumq; Prepositura Staro Zamosciana testatur. Tam  
uero quàm literarum, ac literatorum sit amantissimus, perpe  
tua consuetudo docet, atq; familiaritas cum uiris doctis, quos



Unicè colit, obseruat, veneratur. Quare vestigiis Paternis  
insistens, permittite Suauiss. Stephane, præclaros istos indolis  
bonæ adolefcere fructus; atq; ut cepisti, liberales disciplinas,  
in succum eloquentiæ conuertere. Sic Et te emolumento singu-  
laris Et illustriss. Parentes Tuos, (ut quidem debes) gratissi-  
mo beabis solatio. Tu quoq; Generose Michael, in hoc squal-  
lore, atq; orbitate, unde petere debeas solatium, quam ab ijs  
artibus, a quibus Magnificus olim Pater Tuus, multis annis  
morbo graui depressus, Et afflictus, petere solebat? Arcebant  
illum ab illecebris peccantium, præter ipsius bonam integrâq;  
naturam, quod statim paruulus, sedem ac magistram studio-  
rum Academiam Cracouiensem habuerit: locum cum omni gene-  
re scientiarum, tum parsimoniâ cultum, ac benè compositum.  
Exteras deinde regiones magis prudens, quam curiosus adiit,  
indeq; melior rediit. Nam Hereticorum cum inspexisset fe-  
dam proteruiam, animum Orthodoxæ Religionis addixit; eo se  
ipso semper melior, quo pietati fuit intentior. Hic habuerunt  
virtutes eius spatium, Et exemplum; prouidere egenis libera-  
litate, erigere afflictos consilio; militem sumptu, veste, equo,  
apparatu, donare; Religiosas Familias, sine delectu, sine super-  
cilio, omnes passim, non in ades tantum, sed Et in animum ad-  
mittere. Quis non meminit, quæ fuerit NICOLAI STRA-  
DO MSKI humanitas, quæ beneuolentia in omnes, Et ani-  
mi alacritas? quanquam publica luce caruit, intraq; parietes  
aluit eam sapientiam, quam raro admodum è nostratibus quis-  
quam consequitur. Nouerant amici candorem, sciebant vi-  
cini uitæ probitatem, externi quoq; homines, famam viri per-  
ceperant: insuper S. R. M. eximias illius dotes, oblatro Castel-  
lanatu Radomscen. coronare volebat: at ille procubab omni  
ambitione, tantos honores non admittebat: siue hoc fuit necessi-



tatis (quam sibi morbus imposuerat) argumentum, siue modestæ voluntatis. Sciebat (ut noster Tacitus ait) Sublime & erectum ingenium, pulchritudinem ac speciem excelsæ magnæq; gloriæ vehementius, quàm cautiùs appetere: atq; eò deinceps animum flectebat, ut publicis honoribus non tam uti voluerit, quàm dignus videri. Fortunæ quoq; fauores, modo rationis ac parsimonie duxit, uti longè à luxuria, ita famæ propior. In bona verò uxore, **CATHARINA** à Zbalin, tantò maiorem laudem habuit, quantò in mala plus culpæ reperiri quidam agnoscunt. Non enim illi moribus tantum similis fuit, indole modesta, sedula, mitis: sed etiam prudens, grauis, liberalis. Pietatem verò si quis expetierit in hac Matrona, ipsi pietati fecerit iniuriam. in eius enim animo religio, sanctitas, fides, domicilium perpetuum defixit. Itaq; Te Michael magnanime, mæstum & orbum, cum bonæ literæ, tum Parentis Tui desideratiss. merita, & Superstitis Matris, lectissima Matronæ virtutes, & possunt, & debent omnino solari: ut & Paternæ benedictioni, quam moriturus Tibi reliquit, & Maternæ satis facias voluntati. Cui porrò bono Zorauicijs Bibliotheca (quam inspexi hospes) nobilissimis authoribus refertissima, extructa à doctissimo Parente Tuo, nisi ardentis animo fueris amplexus studia literarum? Contemne igitur ignaua pectora, quæ animas sine motu, sine spiritu, sine vigore gerunt inutiles. Laborem literarium, generoso ut capisti animo perfice, gnauius in palestra eloquætiæ, Tuo cum Fratre Suauiss. Stephano, desuda atq; contende, ut & Amicorum expectationi, & nostris votis, & Gentilicio Tuo Stemmati, quod D. Stanislaus Sczepanoui, fortissimo illustrauit Martyrio, respondeas. Dat. è Musæo meo, Sacro Sabbatho Palmarum. Anno Dñi, 1643.





# IVLII AGRICOLÆ VITA.

A

C. CORNELIO TACITO  
SCRIPTA.



**C**LA RORVM Virorum facta, moresque posteris tradere, antiquitus vsitatum, ne nostris quidem temporibus quanquam incuriosa suorum ætas omisit, quotiens magna aliqua ac nobilis virtus vicit ac supergressa est vitiū paruis magnisq; ciuitatibus commune, ignorantiam recti, & inuidiam. Sed apud priores vt agere memoratu digna prouum, magisq; in aperto erat: ita celeberrimus quisque ingenio, ad prodendam virtutis memoriam, sine gratia aut ambitione, bonæ tantum conscientie pretio ducebatur. Ac pleriq; suam ipsi vitam narrare, fiduciam potius morum, quam arrogantiam arbitrati sunt. nec id Rutilio & Scauro citra fidem, aut obrectationi fuit. adeo virtutes ijsdem temporibus optimè æstuantur, quibus facillimè gignuntur. At mihi nunc narraturo vitam defuncti hominis, veniâ opus fuit, quam non petissem, \* ni incurfaturus tam sæua & infesta virtutibus tempora. Legimus cum Aruleno Rustico Pætus Thrasea, Herennio Senecioni Priscus Heluidius, laudati essent, capitale fuisse: neq; in ipsos modò auctores, sed in libros quoque eorum sæuitum, delegato Triumuiris ministerio, vt monumenta clarissimorum

A



morum ingeniorum Comitio ac foro vrentur. Scilicet illo igne vocem Po: Ro: & libertatem Senatûs, & conscientiam generis humani aboleri arbitrabantur, expulsis insuper sapientiæ Professoribus, atque omni bona arte in exilium acta, ne quid vsquam honestum occurreret. Dedimus profectò grande patientiæ documentum, & sicut vetus ætas vidit, quid vltimum in libertate esset: ita nos quid in seruitute, adempto per inquisitiones & loquendi audiendique commercio. Memoriam quoque ipsam cum voce perdidimus, si tam in nostra potestate esset obliuisci, quam tacere. Nunc demùm redit animus, & quamquam primo statim beatissimi sæculi ortu, Nerua Cæsar res olim dissociabiles miscuerit, principatum ac libertatem; augeatque quotidie facilitatem imperij Nerua Traianus, nec spem modò ac vorum Securitas publica, sed ipsius voti fiduciam ac robur assumpserit: naturâ tamen infirmitatis humanæ, tardiora sunt remedia quàm mala, & vt corpora lentè augeſcunt, citò extinguuntur: sic ingenia studiaq; oppresseris facilius, quàm reuocaueris. Subit quippè etiam ipsius inertię dulcedo, & inuisa primò desidia, postemò amatur. Quid si per quindecim annos, grande mortalis æui spaciũ, multi fortuitis casibus, promptissimus quisque sæuitia principis interciderunt? Pauci, & vt ita dixerim, non modò aliorum, sed etiam nostri superstites sumus, exemptis è media vita tot annis, quibus iuuenes ad senectutem, senes propè ad ipsos exactæ ætatis terminos per silentium venimus. non tamen pigebit vel inconditâ ac rudi voce memoriam prioris seruitutis, ac testimonium præsentium bonorum composuisse. Hic interim liber, honori Agricolaë soceri mei destinatus, professione pietatis, aut laudatus erit, aut excusatus.

**C**NAUS Iulius Agricola, vetere & illustri Foroiulienſium coloniâ ortus, vtrumq; auum Procuratorem Cæsarum habuit: quæ Equestris nobilitas est. Pater Iulius Græcinus Senatorij ordinis, studio eloquentiæ sapientiæq; notus, ijsq; virtutibus iram



Caij Cæsaris meritis. Namque Marcum Silanum accusare iussus, & quia abnuerat, interfectus est. Mater Iulia Procilla fuit, raræ castitatis. in huius sinu indulgentiaque educatus, per omnem honestarum artium cultum, pueritiam adolescentiamq; transiegit. Arcebat eum ab illecebris peccantium, præter ipsius bonam integramq; naturam, quod statim paruulus sedem ac magistratam studiorum Massiliam habuerat, locum Græca comitate & prouinciali parcimonia mistum, ac benè compositum. Memoria teneo solitum ipsum narrare, se in primâ iuuenta studium Philosophiæ (acrius) ultra quàm concessum Ro. ac Senatori hausisse, ni prudentia matris incensum ac flagrantem animum coercuisset. scilicet sublime & erectum ingenium, pulchritudinem ac speciem excelsæ magnæq; gloriæ vehementius quàm cautè appetebat: mox mitigauit ratio & ætas, retinuitque, quod est difficillimum, ex sapientia modum. Prima castrorum rudimenta in Britannia Suetonio Paullino, diligenti ac moderato duci approbavit, electus, quem contubernio æstimaret. Nec Agricola licenter, more iuuenum, qui militiam in lasciuiam vertunt, neq; segniter ad voluptates & comæatus, titulum tribunatus & inscitiam retulit: sed noscere Prouinciã, nosci exercitui, discere à peritis, sequi optimos, nihil appetere ob iactationem, nihil ob formidinem recusare, simulq; anxius & intentus agere. Non sanè aliàs exercitior magisq; in ambiguo Britannia fuit. trucidati veterani, incensæ coloniæ, intercepti exercitus. tum de salute, mox de victoria certauerê. Quæ cuncta & si consilij ductuq; alterius agebantur, ac summa rerû & recuperatæ Prouinciæ gloria in Duce cessit, artem & vsum & stimulos addidêre iuueni. intrauitq; animum militaris gloriæ cupido, ingrata temporibus, quibus sinistra erga emittentes interpretatio, nec minus periculum ex magna famâ, quàm ex malâ. Hinc ad capeffendos magistratus, in vrbe digressus, Domitiam Decidianam splendidis natalibus ortam sibi iunxit, idq; matrimonium, ad maiora nitenti, decus ac robur fuit. vixeruntq; mira concordia, per mutuam caritatem, & inuicem se



anteponendo, nisi quòd in bona vxore tantò maior laus, quantò in mala plus culpæ est. Sors Quæsturæ Prouinciam Asiam, Proconsulem Saluium Titianum dedit. quorum neutro corruptus est, quamquam & Prouincia diues ac parata peccantibus, & Proconsul in omnem auiditatem pronus, quantalibet facilitate redempturus esset, mutuam dissimulationem mali. Auctus est ibi filia in subsidium, & solatium simul. Nam filium antè sublatum, breui amisit. Mox inter Quæsturam, ac Tribunatum plebis, atq; etiam ipsum Tribunatus annum quietè & otio transiit, gnarus sub Nerone temporum, quibus inertia pro sapientia fuit. Idem Præturæ tenor & silentium, nec enim iurisdictio obuenerat. Ludos, & inania honoris, modo rationis atque abundantia duxit, vti longè à luxuria, ita famæ propior. Tum electus à Galba, ad dona templorum recognoscenda, diligentissima conquisitione, fecit ne cuius alterius sacrilegium Resp. quàm Neronis sensisset. Sequens annus graui vulnere animum domumq; eius afflixit. nam classis Othoniana licenter vaga dum in Templo (Liguria pars est) hostiliter populatur, matrem Agricola in prædijs suis interfecit: prædiaq; ipsa, & magnam patrimonij partem diripuit, quæ causâ cædis fuerat. Igitur ad solennia pietatis profectus Agricola, nuntio affectati à Vespasiano Imperij deprehensus, ac statim in partes transgressus est. Initia principatus ac statum Vrbis Mucianus regebat, admodum iuvene Domitiano, & ex paterna fortuna tantum licentiâ vsurpante. Is missum ad dilectus agendos Agricola, integrèq; ac strenuè versatum, vicesimæ legioni tardè ad sacramentum transgressæ præposuit, vbi decessor seditiosè agere narrabatur: quippè legatis quoque consularibus nimia ac formidolosa erat. Nec legatus prætorius ad cohibendum potens, incertum suo an militum ingenio: ita successor simul & vltor electus, rarissimâ moderatione maluit videri inuenisse bonos quàm fecisse. Præerat tunc Britannia Vectius Bolanus, placidiùs quàm feroci Prouinciâ dignum est. temperauit Agricola vim suam, ardoremq; compescuit, ne incretceret; peritus obsequi, crudi-



eruditusq; vtilia honestis miscere. Breui deinde Britannia Consularem Petilium Cerialem accepit. Habuerunt virtutes spatium exemplorum. Sed primò Cerialis modò labores & discrimina, mox & gloriam communicabat: sæpè parti exercitus in experimentum, aliquando maioribus copijs ex euentu præfecit. nec Agricola vnquam in suam famam gestis exultauit; ad auctorem & ducem, vt minister, fortunam referebat: ita virtute in obsequendo, verecundiâ in prædicando, extra inuidiam, nec extra gloriam erat. Reuertentem ab legatione legionis Diuus Vespasianus inter patricios asciuit, ac deinde Prouinciæ Aquitanie præposuit, splendidæ in primis dignitatis administratione, ac spe consulatus cui destinârat. Credunt pleriq; militaribus ingenijs subtilitatem deesse, quia Castrensis iurisdictio secura & obtusior, ac plura manu agens, calliditatem fori non exerceat. Agricola naturali prudentia, quamuis inter rogatos, facilè iusteq; agebat. Iam verò tempora curarum remissionumq; diuisa. vbi conuentus ac iudicia poscerent, grauis, intentus, seuerus, & sapius miscricors: vbi officio satisfactum, nulla vlrà potestatis persona. tristitiam & arrogantiam, & auariciam exuerat: nec illi, quod est rarissimum, aut facilitas auctoritatem, aut seueritas amorem deminuit. Integritatem atq; abstinentiam, in tanto viro referre, iniuriâ virtutum fuerit. Nè famam quidem, cui etiam sæpè boni indulgent, ostentanda virtute, aut per artem quæsiuit: procul ab æmulatione aduersus collegas, procul à contentione aduersus procuratores & vincere in gloriam, & atteri sordidum arbitrabatur. Minus triennium in ea legatione detentus, ac statim ad spem Consulatus reuocatus est, comitante opinione Britanniam ei Prouinciâ dari, nullis in hoc suis sermonibus, sed quia par videbatur. haud semper errat fama, aliquando & eligit. Consul egregiæ tum spei filiam iuueni mihi despondit, ac post consulatum collocauit; & statim Britannie præpositus est, adiecto Pontificatus sacerdotio. Britannie situm populosq; multis scriptoribus memoratos, non in comparationem curæ ingenijue re-



feram: sed quia tum primum perdomita est. itaq; quæ priores non dum comperta, eloquentiâ percoluere, rerum fide tradêtur. Britannia insularum, quas Romana noticia complectitur, maxima, spatio ac calo in Orientem Germaniæ, in Occidentem Hispaniæ obtenditur: Gallis in Meridiem etiam inspicitur: Septentrionalia eius, nullis contrâ terris, vasto atq; aperto mari pulsantur. Formam totius Britanniæ, Liuius veterum, Fabius Rusticus recentium, eloquentissimi auctores, oblongæ scutulæ vel bipenni assimilauere. & est ea facies citra Calcedoniam, vnde & in vniuersum fama est transgressa. sed immensum & enorme spatium procurentium extremo iam littore terrarum, velut in cuneum tenuatur. Hanc oram nouissimi maris. tunc primum Romana classis circumuecta, insulam esse Britanniam affirmavit, ac simul incognitas ad id tempus insulas, quas Orcadas vöcant, inuenit, domuitq;ue. dispecta est & Thyle, quam hætenus nix & hyems abdebat. sed mare pigrum, & graue remigantibus, perhibent ne ventis quidem proinde attolli: credo quod rariores terræ montesq; causa ac materia tempestatam & profunda moles continui maris, tardius impellitur. Naturam Oceani atque æstus, neq; querere huius operis est, ac multi retulêre. vnum addiderim: nusquam latius dominari mare, multum fluminum huc atq;ue illuc ferre, nec littore tenus accrescere aut resorberi, sed influere penitus atque ambire, etiam iugis atq;ue montibus inferi velut in suo. Cæterum Britanniam qui mortales initio coluerint, indigenæ an aduecti, vt inter Barbaros, parum compertum. Habitus corporum varij: atq; ex eo argumenta. namq;ue rutilæ Calcedoniam habitantium comæ, magni artus, Germanicam originem asseuerant. Silurum colorati vultus, & torti plerumq;ue crines, & positu contra Hispaniam. Iberos veteres traiecisse, easq; sedes occupâsse fidem faciunt. proximi Gallis, & similes sunt: seu durante originis vi, seu procurentibus in diuersa terris, positio cæli corporibus habitum dedit. In vniuersum tamen æstimanti, Gallos vicinum solum occupâsse, credibile est. Eorum sacra, depre-



hendas superstitionum persuasione. Sermo haud multum diuersus: in deposcendis periculis eadem audacia, & vbi aduenire, in detrectandis eadem formido. plus tamen ferociæ Britanni præferunt, vt quos nondum longa pax emollierit. nam Gallos quoq; in bellis floruisse accepimus: mox segnitia cum otio intrauit, amissa virtute pariter ac libertate. quod Britannorum olim videris euenit, ceteri manent quales Galli fuerunt. In pedite robur, quædam nationes & curru præliantur. honestior auriga, clientes propugnant. olim regibus parebant, nunc per principes factionibus & studiis trahuntur; nec aliud aduersus validissimas gentes pro nobis utiliùs, quàm quòd in commune non consulunt. Rarus duabus tribusq; ciuitatibus, ad propulsandum commune periculum conuentus: ita dum singuli pugnant, vniuersi vincuntur. Cælum crebris imbris ac nebulis fœdum, asperitas frigorù abest. Dierum, spatia vltra nostri orbis mensuram, & nox clara, & extrema Britannia parte brevis, vt finem atq; initium lucis exiguo discrimine internoscas. Quòd si nubes non officiant, aspici per noctem Solis fulgorem, nec occidere & exsurgere, sed transire affirmant: scilicet extrema & plana terrarum, humili vmbra non erigunt tenebras, infraq; cælum & sydera nox cadit. Solum præter oleam, vitemq; & cætera calidioribus terris oriri sucta, patiens frugum, sæcundum: tardè mitescunt, citò proueniunt. eademq; vtriusque rei causa, multus humor terrarum, cæliq;ue. Fert Britannia aurum & argentum & alia metalla, pretium victoriæ. Gignit & Oceanus margarita, sed subsulca ac liuentia. Quidam artem abesse legentibus arbitrantur. nam in rubro mari viua ac spirantia saxi auelli, in Britannia prout expulsa sint colligi. ego faciliùs crediderim naturam margaritis deesse, quàm nobis auaritiâ. Ipsi Britanni dilectum, ac tributa, & iniuncta imperij munera impigrè obeunt, si iniuriæ absint: has agrè tolerant, iam domiti vt pareant, nondum vt seruiant. Igitur primus omnium Romanorum D. Iulius cum exercitu Britanniam ingressus, quamquâ prosperâ pugna terruerit incolas, ac littore potitus sit

potest



potest videri ostendisse posteris non tradidisse. Mox bella ciuilia, & in Rempublicam versa principum arma, ac longa obliuio Britannia etiam in pace. Consilium id Diuus Augustus vocabat, Tiberius præcipue. Agitasse C. Cæsarem de intranda Britannia satis constat, ni velox ingenio, mobilis pænitentia, & ingentes aduersus Germaniam conatus frustra fuissent. Diuus Claudius auctor operis, transuectis legionibus auxilijsq; & assumpto in partem rerum Vespasiano, quod initium venturae mox fortunæ fuit, domitæ gentes, capti Reges, & monstratus satis Vespasianus. Consularium primus Aulus Plautius præpositus, ac subinde Ostorius Scapula, vterque bello egregius: redactaq; paulatim in formam prouinciæ proxima pars Britannia, addita insuper veteranorum colonia. quædam ciuitates Cogiduno Regi donatæ: is ad nostram vsque memoriam fidiſſimus mansit, vetere ac iam pridem recepta populi Romani consuetudine, vt haberet instrumenta seruitutis & Reges. Mox Didius Gallus parca à prioribus continuic, paucis admodum castellis in vltiora promotis, per quæ fama aucti officij quæreretur. Didium Veranius excepit, isque intra annum extinctus est. Suetonius hinc Paullinus biennio prosperas habuit, subactis nationibus firmatisq; præſidijs: quorum fiducia Mouam insulam vt vires rebellibus ministrantem aggressus, terga occasione parefecit. Namq; absentia legati remoto metu, Britanni agitare inter se mala seruitutis, conferre iniurias, & interpretando accendere. *Nil profici patientia, nisi vt grauiora, tamquam ex facili tolerantibus, imperentur; singulos sibi olim reges fuisse, nunc binos imponi, è quibus legatus in sanguinem, procurator in bona seuiret. aequè discordiam præpositorum, aequè concordiam, subiectis exitiosam: alterius manus centuriones, alterius vim & contumelias miscere: nihil iam cupiditati, nihil libidini exceptum. in prælio fortiorem esse qui spoliaret, nunc ab ignauis plerumq; & imbellibus eripi domos, abstrahi liberos, iniungi dilectus, tamquam mori tantum pro patria nescientibus quantum enim transisse militum, si sese Britanni numerent? sic Germanias excussisse iugum, & flumine non Oceano defendi: sibi patriam, coniuges*



iuges, parentes; illis auariciam & luxuriam causas belli esse: recessuros  
 ut Diuus Iulius recessisset, modò virtutes maiorum suorum emularentur:  
 neue praelij vnus aut alterius euentu pauescerent; plus impetus, maio-  
 rem constantiam penes miseros esse. iam Britannorum etiam deos mise-  
 veri, qui Romanum ducem absentem, qui relegatum in alia insula exer-  
 citum detinerent: iam ipsos, quod difficillimum fuerit, deliberare. porro  
 in eiusmodi consilijs periculosus esse deprehendi, quàm audere. His atq;  
 talibus inuicem instincti, Voadica generis regij fœmina duce (ne-  
 que enim sexum in imperijs discernunt) sumpserunt vniuersi bel-  
 lum: ac sparsos per castella milites confectati, expugnatis præsi-  
 dijs, ipsam coloniam inuasere, vt sedem seruitutis. nec vllum in  
 Barbaris seuitiæ genus omisit ira & victoria. Quòd nisi Paulli-  
 nus, eò cognito Prouinciæ motu, propere subuenisset, amissa  
 Britannia foret: quam vnus praelij fortuna veteri patientiæ resti-  
 tuit, tenentibus arma plerisque, quos conscientia defectionis,  
 & proprius ex legato timor agitabat. Hic cum egregius cætera,  
 arroganter in deditos, & vt suæ quoq; iniuriæ ultor, durius con-  
 suleret, missus Petronius Turpilianus tanquam exorabilior, &  
 delictis hostium nouus, eoque penitentia mitior. compositis  
 prioribus nihil ultra ausus, Trebellio Maximo prouinciam tra-  
 didit. Trebellius segnior, & nullis castrorum experimentis, co-  
 mitate quadam curandi Prouinciam tenuit. Didicere iam Bar-  
 bari quoque ignoscere vitij blandientibus; & interuentus ciui-  
 lium armorum præbuit iustam segnitia excusationem; sed di-  
 scordia laboratum, cum assuetus expeditionibus miles, ocio la-  
 sciuiet. Trebellius fuga ac latebris vitata exercitus ira, indeco-  
 rus atq; humilis, precario mox præfuit: ac velut pacti, exercitus  
 licentiam, dux salutem; hæc seditio sine sanguine stetit. Nec  
 Vectus Bolanus, manentibus adhuc ciuilibus bellis, agitauit  
 Britanniam disciplina. eadem inertia erga hostes, similis petu-  
 lantia castrorum: nisi quod innocens Bolanus, & nullis delictis  
 inuisus, caritatem parauerat loco auctoritatis. Sed vbicum cæ-  
 tero orbe Vespasianus & Britanniam recuperauit, magni duces,



egregij exercitus, minuta hostium spes: & terrorem statim intulit. Penitus Cerialis, Brigantum ciuitatem, quæ numerosissima Prouincia totius perhibetur, aggressus. multa prælia, & aliquando non incruenta: magnamq; Brigantum partem aut victoria amplexus, aut bello. Et quidem alterius successoris curam famamq; cum Cerialis obruisset, sustinuit quoque molem Iulius Frontinus vir magnus quantum licebat, validamq; & pugnacem Silurum gentem armis subegit, super virtutem hostium locorum quoq; difficultates eluctatus. Hanc Britannia statum has bellorum vires media iam ætate transgressus Agricola inuenit, cum & milites velut omissa expeditione ad securitatem, & hostes ad occasionem verterentur. Orodicum ciuitas haud multo ante aduentum eius, alam in finibus suis agentem, propè vniuersam obtriuerat: eoq; initio erecta prouincia, vt quibus bellum volentibus erat, probar exemplum, aut recentis legati animum opperiri. Tum Agricola, quamquam transacta ætas, sparsi per Prouinciam numeri, præsumpra apud militem illius anni quies, tarda & contraria bellum inchoaturo, & plerisq; custodiri suspecta potius videbatur, ire obuiam discrimini statuit: contractisq; legionum vexillis, & modica auxiliorum manu, quia in æquum digredi Orodouices non audebant, ipse ante agmen, quò cæteris par animus simili periculo esset, erexit aciem; caesaq; propè vniuersa gente, non ignarus instandum famæ, ac prout prima cecissent, fore vniuersa. Monam insulam, cuius possessione reuocatum Paullinum rebellionem totius Britannia supra memorauimus, redigere in potestatem animo intendit. Sed vt in dubijs consilijs, naues deerant, ratio & constantia ducis transuexit: depositis omnibus sarcinis, lectissimos auxiliarium, quibus nota vada, & patrius nandi vsus, quo simul seque & arma & equos regunt, ita repente immisit, vt obstupescerent hostes, qui classem, qui naues, qui mare expectabāt, nihil arduum aut inuidium crediderint, sic ad bellum venientibus. Ita petita pace, ac dedita insula, clarus ac magnus haberi Agricola: quippè cui ingredienti Prouinciam, quod tempus alij



per ostentationem aut officiorum ambitum transigunt, labor & periculum placuisset. Nec Agricola prosperitate rerum in vanitatem usus, expeditionem aut victoriam vocabat, victos contumisse: ne laureatis quidem gesta profecutus est, sed ipsa dissimulatione famæ, famam auxit, æstimantibus quanta futuri spectam magna tacuisset. Cæterum animorum Prouinciæ prudens, simulq; doctus per aliena experimenta, parum profici armis si iniuriæ sequerentur, causas bellorum statuit excindere; à se suisq; orsus, primam domum suam coërcuit, quod plerisque haud minus arduum est, quàm Prouinciã regere: nihil per libertos seruosq; publicæ rei: non studijs priuatis, nec ex cõmendatione aut precibus centurionum milites ascire, sed optimum quemq; fidelissimum putare: omnia scire, non omnia exequi: paruis peccatis veniam, magnis seueritatem commodare: nec pœna semper, sed sæpius poenitentia contentus esse \* officijs & administrationibus potius non peccaturos, quàm damnare cùm peccassent. Frumenti & tributorum auctionem æqualitate munerum mollire, circumcisis quæ in quæstum reperta, ipso tributo grauius tolerabantur. namq; per ludibrium assidere clausis horreis, & emere vltro frumenta, ac vendere pretio cogebantur. deuortia itinerum & longinquitas regionum indicebatur: vt ciuitates à proximis hibernis in remota & auia deferrent, donec quod omnibus in promptu erat, paucis lucrosum fieret. Hæc primo statim anno comprimendo, egregiam famam paci circumdedit; quæ vel incuria vel tolerantia priorum, haud minus quàm bellum timebatur. Sed vbi ætas aduenit, contracto exercitu, militum in agmine laudare modestiam, disiectos coërcere: loca castris ipse capere, æstuaria ac syluas ipse prætentare: & nihil interim apud hostes quietum pati, quo minus subitis excursibus popularetur. atq; vbi satis terruerat, parcendo rursus \* irritamenta pacis ostentare. Quibus rebus multæ ciuitates, quæ in illum diem ex æquo egerant, datis obsidibus iram posuere, & præfidijs castellisq; circumdata, tanta ratione curaq; vt nulla antè



Britannia noua pars illacessita transierit. Sequens hiems salu-  
 berrimis consilijs absumpta. namque vt homines dispersi acru-  
 des, eoq; bello faciles, quieti & otio per voluptates assuecerent :  
 hortari priuatim, adiuuare publice, vt templa, fora, domus exu-  
 erent, laudando promptos, & castigando segnes. ita honoris  
 æmulatio, pro necessitate erat. Iam verò principum filios libe-  
 ralibus artibus erudire, & ingenia Britannorum studijs Gallorum  
 anteferre, vt qui modò linguam Romanam abnuebant, eloquen-  
 tiam concupiscerent. inde etiam habitus nostri honor, & fre-  
 quens toga. paulatimq; discessum ad delinimenta vitiorum,  
 porticus, & balnea, & conuiuiorum elegantiam. idq; apud im-  
 peritos humanitas vocabatur, cùm pars seruitutis esset. Tertius  
 expeditionum annus, nouas gentes aperuit, vastatis vsq; ad Taum  
 ( æstuario nomen est ) nationibus. qua formidine territi hostes  
 quamquam confictatum sæuis tempestatibus exercitum, lace-  
 sere non ausi; ponendisq; insuper castellis spatium fuit. Adno-  
 tabant periti, non alium ducem opportunitates locorum sapien-  
 tius legisse; nullum ab Agricola positum castellum, aut vi ho-  
 stium expugnarum, aut pactione ac fuga desertum. crebræ eru-  
 ptiones. nam aduersus moras obsidionis, annuis copijs firma-  
 bantur. ita intrepida ibi hiems, & sibi quisq; præsidio, irritis  
 hostibus, eoq; desperantibus, quia soliti plerumq; damna æstatis  
 hibernis euentibus pensare, tum æstate atq; hieme iuxta pelle-  
 bantur. Nec Agricola vnquam per alios gesta auidus interceptit:  
 seu centurio, seu præfectus, incorruptum facti testem habebat.  
 Apud quosdam acerbius in conuiijs narrabatur, vt bonis comis,  
 ita aduersus malos iniucundus. cæterum ex iracundia nihil super  
 erat. secretum & silentium eius non timeres. honestiùs putabat  
 offendere, quàm odisse. Quarta æstas obtinendis quæ percurrere  
 insumpta, ac si virtus exercituum & Romani nominis gloria  
 pateretur, inuentus in ipsa Britannia terminus. Nam Glota & Bo-  
 dotria diuersi maris æstu per immensum reuerti, angusto terra-  
 rum spatio dirimuntur. quòd tum præsidij firmabatur: atq;

omnis



omnis propior sinus tenebatur, summois velut in aliam insulam  
 hostibus. Quintò expeditionem anno naue prima transgressus,  
 ignotas ad id tempus gentes crebris simul ac prosperis prælijs do-  
 muit: eamque partem Britannia quæ Hiberniam aspicit, copijs  
 instruxit, in spem magis quam ob formidinem. siquidem Hiber-  
 nia medio inter Britanniam atque Hispaniam sita, & Gallico  
 quoque mari opportuna, valentissimam imperij partem, magnis  
 inuicem vsibus miscuerit. Spatium eius si Britannia comparetur  
 angustius, nostri maris insulas superat. Solum cælumq; & inge-  
 nia cultusq; hominum haud multum à Britannia differunt. me-  
 lius aditus portusq; per commercia & negotiatores cogniti.  
 Agricola expulsum seditione domestica vnum ex Regulis gentis  
 exceperat, ac specie amicitia in occasionem retinebat. Sæpè ex  
 eo audiui, legione vna & modicis auxilijs debellari obtineriq;  
 Hiberniam posse. Idq; etiam aduersus Britanniam profuturum,  
 si Romana vbiq; arma, & velut è conspectu libertas tolleretur.  
 Cæterum ætate qua sextum officij annum inchoabat, ampla  
 ciuitate trans Bodotriam sita, quia motus vniuersarum vltra gen-  
 tium, & infesta hostili exercitu itinera timebantur, portus classe  
 explorauit: quæ ab Agricola primùm assumpta in partem virium,  
 sequebatur egregia specie, cum simul terra simul mari bellum  
 impelleretur: ac sæpè iisdem castris pedes equeque & nauticus  
 miles mixtis copijs & latitia, sua quisque facta suos casus attolle-  
 rent: ac modò sylvarum & montium profunda, modò tempe-  
 statum ac fluctuum aduersa, hinc terra & hostis, hinc \* auctus  
 Oceanus militari iactantia compararentur. Britannos quoque,  
 vt ex captiuis audiebatur, visa classis obstupefaciebat, tamquam  
 aperto maris sui secreto vltimum victis: perfugium clauderetur.  
 Ad manus & arma conuersi Caledoniam incolentes populi, pa-  
 ratu magno, maiore fama, vt mos est de ignotis, \* oppugnasse vl-  
 trò, castella adorti, metum vt prouocantes addiderant: regre-  
 diendumq; citra Bodotriam & excedendum potius, quam pelle-  
 rentur, specie prudentium ignaui admonebant. cum interim co-



gnosceat, hostes pluribus agminibus irrupturos. Ac ne superante numero, & pericia locorum circumirentur, diuiso & ipse in tres partes exercitu incescit. Quod ubi cognitum hosti, mutato repente consilio, yniuersi nonam legionem vt maximè inualidam, nocte aggressi, inter somnum ac trepidationem, caesis vigilibus irrupere. Iamq; in ipsis castris pugnabant, cum Agricola iter hostium ab exploratoribus edoat, & vestigijs insecutus, velocissimos equitum peditumq; assultare tergis pugnantium iubet, mox ab yniuersis adici clamorem. & propinqua luce fulsere signa: ita accipiti malo territi Britanni: & Romanis redit animus, ac securi pro salute, de gloria certabant. vltro quin etiam irrupere. & fuit atrox in ipsis portarum angustijs praelium, donec pulsi hostes, vtroq; exercitu certante, his vt tulisse opem, illis ne eguisse auxilio viderentur. quod nisi paludes & syluæ fugientes texissent, debellatum illa victoria foret. Cuius constantia ac fama ferox exercitus, nihil virtuti suæ inuium, penetrandam Calcedoniam, inueniendumq; tandem Britannia terminum continuò praeliorum cursu fremebant: atque illi modò cauti ac sapientes, prompti post euentum ac magniloqui erant. iniquissima hæc bellorum conditio est, prospera omnes sibi vindicant, aduersa vni imputantur. At Britanni non virtute sed occasione & arte duces rati, \* nihil ex arrogantia remittere, quò minus iuuentutem armarent, coniuges ac liberos in loca tuta transferent, coetibus ac sacrificijs conspirationem ciuitatum sancirent; atque ita irritatis vniūque animis discessum. Eadem æstate cohors Vspiorum per Germanias conscripta, in Britanniam transmissa, magnum ac memorabile facinus ausa est. Occiso Centurione ac militibus, qui ad tradendam disciplinam immixti manipulis exemplum & rectores habebantur, tres liburnicas adactis per vim gubernatoribus ascendere: & vno remigrante, suspectis duobus eoq; interfectis, nondum vulgato rumore, vt miraculum prouehantur, mox hæc atque illâ rapti, & cum plerisq; Britannorum sua defensionium praelio congressi, ac sæpè victores, aliquando pulsi, eo ad extremum



tremum inopia venire, ut infimissimos suorum, mox sorte ductos viderentur: atque ita circumucti Britanniam, amissis per insidiam regendi nauibus, pro prædonibus habiti, primum à Sueuis, mox à Frisijs intercepti sunt, ac fuere quos per commercia venundatos, & in nostram usque ripam mutatione clementiam adductos, indicium tanti casus illustravit. Initio ætatis Agricola domestico vulnere ictus, anno ante natum filium amisit. Quem casum neque ve pleriq; fortium virorum ambitiosè, neq; per lamenta rursus ac inærorem muliebriter culit. & in luctu, bellum inter remedia erat. Igitur præmissa classe quæ pluribus locis prædata, magnum & incertum terrorem faceret, expedito exercitu, cui ex Britannis fortissimos & longa pace exploratos addiderat, ad montem Grampium pervenit, quem iam hostes insederant. Nam Britanni nihil fracti, pugne prioris euentu, & ultionem aut servitium expectantes, tandemq; docti communis periculum concordia propulsandum, legationibus & foederibus omnium civitatum vires exciuerant. Iamq; super triginta millia armatorum aspiciebantur, & adhuc affluebat omnis iuventus, & quibus cruda ac viridis senectus, elari bello, ac sua quisque decora gestantes. cum inter plures duces virtute & genere præstans, nomine Galgacus, apud contractam multitudinem prælium poscentem, in hunc modum locutus fertur: Quotiens causas belli & necessitatem nostram intueor, magnus mihi animus est, hodiernum diem, consensumq; vestrum, initium libertatis totius Britannia fore. Nam & univèrsi servitutis expertes: & nulla ultra terra, ac ne mare quidem securum, imminente nobis classe Romana. ita prælium atq; arma, quæ fortibus honesta, eadem etiam ignavis tutissima sunt. Priores pugna, quibus adversus Romanos variâ fortunâ certatum est, spem ac subsidium in nostris manibus habebant: quia nobilissimi totius Britannia, eodq; in ipsis penetrabilibus siti, nec servientium littora aspicientes, oculos quoq; à contactu dominationis inuiolatos habebamus: nos terrarum ac libertatis extremos, recessus ipse ac sinus fame in hunc diem defendit. nunc terminus Britannia patet, atq; omne ignotum, pro magnifico est. Sed nulla iam

ultra



ultrà gens, nihil nisi fluctus & saxa, & interiores Romani. quorum  
 perbiam frustra per obsequium & modestiam effugeris. raptos orbis,  
 postquam cuncta vastantibus, desuere terra, & mare scrutantur: si lo-  
 cuples hostis est, auari: si pauper, ambitiosi. quos non Oriens, non Occi-  
 dens, satiauerit: soli omnium, opes atq; inopiam pari affectu concupi-  
 scunt. auferre, trucidare, rapere falsis nominibus imperium: atq; ubi so-  
 litudinem faciunt, pacem appellant. liberos cuiq; ac propinquos suos na-  
 tura carissimos esse voluit: hi per dilectus alibi seruituri auferuntur.  
 Coniuges sororesq; & si hostilem libidinem effugiant, nomine amicorum  
 atq; hospitum polluantur. Bona fortunaq; in tributum egerunt; in an-  
 nonam, frumentum; corpora ipsa ac manus, syluis ac paludibus emuni-  
 endis, verbera inter ac contumelias, conterunt. Nata seruituti mancipia  
 semel veneunt, atq; ultro à dominis aluntur: Britannia seruitutem suā  
 quotidie emit, quotidie pascit. Ac sicut in familia recentissimus quisque  
 seruorum & conseruis ludibrio est: sic in hoc orbis terrarum vetere fa-  
 mulatu, noni nos & viles in excidium petimur. Neq; enim arua nobis,  
 aut metalla, aut portus sunt, quibus exercendis refernemur. Virtus  
 porro ac ferocia subiectorum, ingrata imperantibus, & longinquitas ac  
 secretum ipsum, quò tutius, eò suspectius. Ita sublata spe venie, tandem  
 sumite animum, tam quibus salus, quàm quibus gloria carissima est.  
 Brigantes, femina duce, exurere coloniam, expugnare castra; ac nisi fel-  
 citas in secordiam vertisset, exuere iugum potuere: nos integri & indo-  
 miti & libertatem non in presentia laturi, primò statim congressu unde  
 ostendamus, quos sibi Caledonia viros seposuerit. An eandem Romanis  
 in bello virtutem, quam in pace lasciuiam adesse creditis? Nostris illi  
 discessionibus ac discordijs clari, vitia hostium in gloriam exercitus sui  
 vertunt: quem contractum ex diuersissimis gentibus, ut secunda res te-  
 nent, ita aduersa dissoluent. nisi si Gallos & Germanos, & (pudet dictu)  
 Britannorum plerosq; dominationi alienæ sanguinem commodantes, diu-  
 tius tamen hostes quàm seruos, fide & affectu teneri putatis: metus &  
 terror est, infirma vincula caritatis; quæ ubi remoueris, qui timere de-  
 siderint, odisse incipient. Omnia victoria incitamenta pro nobis sunt:  
 nulla Romanos coniuges accendunt: nulli parentes fugam exprobraturi  
 sunt:



sunt : aut nulla plerisq; patria, aut alia est : paucos numero circum trepidos ignorantia, calum ipsum ac mare & sylvas ignota omnia circumspectantes, clausos quodammodo ac vinctos\* alij nobis tradiderunt. Ne terreat vanus aspectus, & auri fulgor atq; argenti, quod neq; tegit, neq; vulnerat. in ipsa hostium acie inueniemus nostras manus. agnoscent Britanni suam causam : recordabuntur Galli priorem libertatem : deferent illos ceteri Germani, tanquam nuper Vspij reliquerunt. Nec quidquam ultra formidinis, vacua castella, sonum colonie, inter male parentes & iniuste imperantes : agra municipia & discordantia. hic dux, hic exercitus. ibi tributa & metalla, & cetera seruientium pana, quas in eternum proferre, aut statim vlcisci, in hoc campo est. Proinde ituri in aciem, & maioris vestros, & posteros cogitate. Excepere orationem alacres, & barbari mores cantu & fremitu clamoribusq; dissonis. idmq; agmina, & armorum fulgores, audentissimi cuiusq; procursu : simul instruebantur acies. cum Agricola quanquam lætum & vix monitis coercitum militem\* adhuc ratus ita disseruit. Octauus annus est, commilitones, ex quo virtute & auspicijs imperij Romani, fide atq; opera vestra Britanniam vicistis : tot expeditionibus, tot preliis, seu fortitudine aduersus hostes, seu patientia ac labore panem aduersus ipsam rerum naturam opus fuit. Neq; me militum, neq; vos ducis penituit. Ergo egressi, ego veterum legatorum, vos priorum exercituum terminos, finem Britannie non fama nec rumore, sed castris & armis tenemus. Inuenta Britannia, & subacta. Equidem in agmine, cum vos paludes montesq; & flumina fatigarēt, fortissimi cuiusq; vocem audiebam. Quando dabitur hostis, quando acies ? veniunt a latebris suis extrusti, & vota virtusq; in aperto, omniaq; prona victoribus, atq; eadem victis aduersa. Nam ut superasse tantum itineris, sylvas euasisse, transisse aestuaria, pulchrum ac decorum in frontem, ita fugientibus periculosissima, quæ bodie prosperrima sunt. Neq; enim nobis aut locorum eadem notitia, aut commeatum eadem abundantia : sed manus, & arma, & in his omnia. Quod ad me attinet, iam pridem mihi decretum est, neq; exercitus, neq; ducis terga tuta esse. Proinde & honesta mors turpi vita potior, & incolumitas ac decus, eodem loco sita sunt : nec inglorium fuerit, in ipso terrarum ac natura sine cecidisse. Si nouæ gentes atq; ignota acies constitis-



sec. aliorum exercituum exemplis vos hortaretur, nuncius sua decora ne-  
 cessitate, vestros oculos interrogare. Ijs sunt quos proximo anno, reman-  
 gentem furto noctis aggressos, clamore debellastis, & ceterorum Britan-  
 norum fugas essetis, id eoq; iam diu superstites. Quomodo sylvas saltusq;  
 penetrantibus, fortissimum quodq; animal robore, pauida & inentia ipso  
 agminis sono pelluntur: sic acerrimi Britanorum iam pridem ceciderunt;  
 reliqua est numerus ignavorum & metuentium, quas quod tandem in-  
 uenistis, non restiterunt, sed deprebensi sunt non ipsis, & extrema metu  
 corpora deficere in his vestigijs, in quibus pulchram & spectabilem victori-  
 am ederetis. Transigite cum expeditionibus, imponite quinquaginta  
 annis magnum diem, approbate Reip. numquam exercitus imputari po-  
 tuisse, aut moras belli, aut causas debellandi. Et alloquente adhuc A-  
 gricola militum ardor eminebat, & finem orationis ingens ala-  
 citas consecuta est, statimq; ad arma discursum, instinctos ruen-  
 tesq; ita disposuit, ut peditum auxilia quæ octo milia erant, me-  
 diam aciem firmarent: equitum tria milia, cornibus affunderen-  
 tur. legiones pro vallo sterere, ingens victoriae decus, citra Roma-  
 num sanguinem bellanti, & auxilium si pellerentur. Britanno-  
 rum acies, in speciem simul ac terrorem, editioribus locis consti-  
 terant: ita ut primum agmen æquo, ceteri per aceline iugum  
 conexi velut insurgerent: media campi conuinarius & eques stre-  
 pitu ac disursu complebat. Tum agricola superante hostium  
 multitudine veritus, ne simul in frontem, simul & latera suorum  
 pugnaretur, diductis ordinibus, quamquam porrectior acies fu-  
 rura erat, & arcessendas pleriq; legiones admonebant, promptior  
 in spem, & firmus aduersis, dimisso equo pedes ante vexilla con-  
 stitit. Ac primo congressu eminus certabatur, simul constantia,  
 simul arte Britanni, ingentibus gladijs & breuib; cætris, missilia  
 nostrorum vitare, vel excutere, atq; ipsi magnam vim telorum  
 superfundere: donec Agricola tres Batavorum cohortes ac Tun-  
 gtorum duas cohortatus est, ut rem ad mucrones ac manus addu-  
 cerent, quod & ipsis vetustate militiae exercitatum, & hostibus  
 inhabile parua leuita & enormes gladios gerentibus, nam Britan-  
 norum gladij sine mucrone complexum armorum, & in aperto  
 pugnam



pugnam non tolerabant. Igitur ut Bataui miscere ictus, ferire virbonibus, ora for dare & tractis qui in æquo obstiterant, erigere in colles aciem capere; ceteræ cohortes emulatione & impetu commissa proximos quosque cadere, ac plerique semineces aut integri festinatione victoriae relinquebantur. Interim equitum turmæ fugere, conuinarij peditum se prælio miscere: & quamquam recentem terrorem intulerant, densis tamen hostium agminibus & inæqualibus locis hærebant; minimeque equestris ea pugnae facies erat, cum in gradu stantes simul equorum corporibus impellerentur, ac sæpè vagi currus, exsertiti sine rectoribus equi, ut quemque formido tulerat, transuersos, aut obuios incurfabant. Et Britanni qui adhuc pugnae expertes summa collium infederant, & paucitatem nostrorum vacui spernebant, digredi paulatim & circumire terga vincentium cæperant: ni id ipsum veritus Agricola quatuor equitum alas ad subita belli retentas, venientibus opposuisset; quantoque ferocius accurrerant, tanto acrius pulsos in fugam disieciisset. Ita consilium Britannorum in ipsos versum, transuectæque præcepto ducis à fronte pugnantium alæ, auersam hostium aciem inuasere. Tum verò patentibus locis grande & latrox spectaculum: sequi, vulnerare, capere: atque eosdem oblati alijs trucidare. Iam hostium, prout cuique ingenium erat, ceteræ armatorum paucioribus terga præstare, quidam inermes vitro ruere, ac se morti offerre. Passim arma, & corpora, & laceratus, & cruenta humus: & aliquando etiam victis ira victisque. Postquam syluis appropinquarunt, collecti, primos sequentium incautos & locorum ignaros circumuenebant. Quod ni frequens ubique Agricola, validas & expeditas cohortes indaginis modo, & sicubi artiora erant, partem equitum dimissis equis, simul rariore sylvas equitem persulcare iussisset, acceptum aliquod vulnus per nimiam fiduciam foret. Ceterum ubi compositos firmis ordinibus sequi rursus videre, in fugam versi, non agminibus ut prius, nec alius alium respectantes, rari, & vitabundi inuicem, longinqua atque auia perire, finis sequendinox & satietas fuit, cæsa hostium ad decem millia nostrorum



trecenti quadraginta cecidere. in quis Aulus Atticus præfectus cohortis, iuuenili ardore & ferociâ equi hostibus illatus. Et nox quidem gaudio prædaque lata victoribus: Britanni palantes mixtoq; virorum mulierumq; ploratu, trahere vulneratos, vocare integros, deferere domos, ac per iram ultro incendere: eligere læcebras, & statim relinquere: miscere inuicem consilia aliqua, deinsperare: aliquando frangi aspectu pignorum, suorum, sæpius concitari. satisq; constabat sæuisse quosdam in coniuges ac liberos, tamquam misererentur. Proximus dies faciem victoriæ latius aperuit, vastum vbiq; silentium, secreti colles, fumantia procul tecta, nemo exploratoribus obuius. quibus in omnem partem dimissis, vbi incerta fugæ vestigia, neq; vquam conglobari hostes compertum, & exacta iam æstate spargi bellum nequibat, in fines Horestorum exercitum deducit. Ibi acceptis obsidibus, profecto classis circumuehi Britanniam præcepit. datæ ad id vires, & præcesserat terror, ipse peditem atq; equites lento itinere, quo novarum gentium animi ipsa transicus mora terrerentur, in hibernis locauit. Et simul classis secunda tempestate ac fama Truculentem portum tenuit, vnde proximo latere Britanniæ lecto omni redierat. Hunc rerum cursum, quamquam nullâ verborum instantiâ, epistolis Agricola ætatum, vt Domipiano moris erat, fronte lætus, pectore anxius excepit. Inerat conscientia, derisui fuisse nuper falsum è Germania triumphum, emptis per commercia, quorum habitus & crines in captiuorum speciem formaretur: at nunc veram magnamq; victoriam, tot millibus hostium cæsis, ingenti fama celebrari. Id sibi maximè formidolosum, priuati hominis nomen supra principis attolli: frustra studia fori, & ciuiliu artium decus in silentium acta, similitarem gloriam alius occuparet: cætera utcumque facilius dissimulari, ducis boni imperatoriam virtutem esse. Talibus curis exercitus, quodq; sæuæ cogitationis indicium erat, secreto suo faciatus, optimum in præsentia statuit reponere odium, donec impetus famæ & fauor exercitus languesceret. nam etiam tum Agricola Britanniam obtinebat. Igitur triumphalia ornamenta, & illustris statuæ honorem, &

quidquid



quidquid pro triumpho datur, multo verborum honore cum-  
lata, decerni in senatu iubet: addique insuper opinionem, Syriam  
prouinciam Agricolaë destinari, vacuam tum morte Atylij Rufi  
Consularis, & maioribus reseruata. Credidere plerique, liber-  
tum ex secretioribus ministerijs missum ad Agricola, codicillos  
quibus ei Syria dabatur tulisse, cum præcepto, ut si in Britannia  
foret, traderentur: eumque libertum in ipso freto Oceani obuium  
Agricolaë, ne appellato quidem eo ad Domitianum remeasse, siue  
verum istud, siue ex ingenio principis fictum ac compositum est.  
Tradiderat interim Agricola successori suo Prouinciam quietam  
tutamque. Ac ne notabilis celebritate & frequentia occurrentium  
introitus esset, vitato amicorum officio, noctu in urbem, noctu  
in palatium, ita ut præceptum erat, venit: exceptusque breui osculo  
& nullo sermone, turbæ seruientium inmixtus est. Cæterum ut  
militare nomen, graue inter otiosos, alijs virtutibus temperaret,  
tranquillitatem atque otium penitus auxit, cultu modicus, ser-  
mone facilis, vno aut altero amicorum comitatus: adeo ut ple-  
rique, quibus magnos viros per ambitionem æstimare mos est,  
visu aspectoque Agricola, quærerent famam, pauci interpretarentur.  
Crebro per eos dies apud Domitianum absens accusatus, absens  
absolutus est. causa periculi non crimen vllum, aut querela læsi  
cuiusquam, sed insensu virtutibus princeps, & gloria viri, ac pes-  
simum inimicorum genus, laudantes. Etea insicura sunt Reipub-  
licæ tempora, quæ sileri Agricola non sinerent: tot exercitus  
in Mœsia Daciaque, & Germaniâ Pannoniaque, temeritate aut per  
ignauiam ducum amissi: tot milites viri cum tot cohortibus  
expugnati & capti: nec iam de limite imperij & ripæ, sed de hi-  
bernis legionum & possessione dubitatum. Ita cum damna  
damnis continuarentur, atque omnis annus funeribus & cladibus  
insigniretur, poscebatur ore vulgi dux Agricola: comparantibus  
cunctis vigorem, constantiam, & expertum bellis animum, cum  
inertia & formidine eorum. Quibus sermonibus satis constat  
Domitiani quoque aures verberatas, dum optimas quisque liber-  
torum amore & fide, pessimi malignitate & liuore, prouinciam dete-



rioribus principem exstimulabant. Sic Agricola simul suis virtutibus, simul vitijs aliorum, in ipsam gloriam præceps agebatur. Aderat iam annus quo præconsulatum Asiæ & Africæ sortiretur, & occiso Ciuica nuper, nec Agricolæ consilium deerat, nec Domitiano exemplum. Accessit quidam cogitationum principis petiti, quicquid sine esset in provinciam, ultro Agricolam interrogarent, ac primò occultius quietem & otium laudare, mox operam suam in approbanda excusatione offerre: postremò non iam obscuri, suadentes simul terrentesq; pertraxere ad Domitianum, qui paratus simulatione, in arrogantiam compositus, & audijt preces excusantis, & eùm annuisset, agi sibi gratias passus est: nec erubuit beneficii inuidiâ. salarium tamen præconsulari solitum offerri, & quibusdam à seipso concessum, Agricola non dedit: siue offensus non peticum, siue ex consuetudinâ, ne quod vetuerat videretur emisse. Proprium humani ingenij est, odisse quem læsetis: Domitiani verò natura præceps in iram, & quò obscurior, eò irreuocabilius, moderatione tamen prudentiaque Agricolæ leniebatur, quia non contumaciâ, neque inania iactatione libertatis, famam fatumq; prouocabat. Sciant quibus moris illicita mirari, posse etiam sub malis principibus magnos viros esse: obsequiumq; ac modestiam, si industria ac vigor adsint, eò laudis excedere, quò pleriq; per abrupta, sed in nullum rei post usum, ambiciosa mortē inclaruerunt. Finis vice eius nobis lætuosus, amicis tristis, extraneis etiam ignotusq; non sine curâ fuit. Vulgus quoque & hic aliud agens populus, & vendicare ad domum, & per fora & circulos locuti sunt: nec quisquam audiri morte Agricolæ, aut lætatus est, aut statim oblitus est. Augebat miserationem constans rumor, veneno interceptum. Nobis nihil comperti affirmare ausim. ceterum per omnem valetudinem eius, crebrius quàm ex more principatus per nuntios visentis, & libertuorum primi, & medicorum intimi venerat siue cura illud, siue inquisitio erat. Supremo quidem die, momenta deficientis per dispositos cursores nuntiata constabat, nullo credente sic accelerari, quæ tristis audiret. Speciem tamen doloris animo vultuq;




vultuq; præfetur, securus iam odij & qui facilius dissimularet gaudium quàm merum. Satis constabat lecto testamento Agricola, quo cohæredem optimæ uxori & piissimæ filiæ Domitianum scripsit, lætatum eum, velut honore iudiciorq; tam cæca & corrupta mens affideis adulationibus erat, ut nesciret à bono patre non scribi hæredem, nisi malum principem. Natus erat Agricola Cato Cæsare tertium Cons. Idib. Iunijs: excessit sexto & quinquagesimo anno decimo Calen: Septembris. Collega Priscoq; Co ss. Quod si habitum quoq; eius posterius noscere velint, decentior quàm sublimior fuit. nihil metus in vultu: gratia oris supererat. bonum virum facile crederes, magnum libenter. Et ipse quidem, quamquam medio in spatio integræ ætatis ereptus, quantum ad gloriam, longissimum ævum peregit. Quippè & vera bona, quæ in virtutibus sita sunt, impleuerat, & Consularibus ac Triumphalibus ornamentis prædito, quid aliud adstruere fortuna poterat? Opibus nimis non gaudebat, speciosa contigerant, filia atq; vxore superstitiis, potest videri etiam beatus, incolumi dignitate, florente famâ, salvis affinitatibus & amicitijs futura effugisse. Nam sicut durare in hac beatissimi sæculi luce, ac principem Traianum videre, augurio votisq; apud nostras aures ominabatur: ita festinata mortis grande solatium tulit, euasisse postremum illud tempus, quo Domitianus non iam per intervalla ac spiramenta tēporū, sed continuo velut & vno ictu rempublicā exhaustit. Non vidit Agricola obsellam curiam, & clausū armis senatū & eadē strage tot consulariū cedes, tot nobilissimarū faminarū exilia & fugas. Vnâ adhuc victoriâ Carus Meri? cētebatur, & intra Albānā villā sententia Messalini strepebat, & Massā Bebiana cum reus erat. Mox nostræ duxere Heluidium in carcerem manus: nos Maurici, Rusticiq; visus, nos innocenti sanguine Senecio perfudit. Nero tamen subtraxit oculos, iussitq; scelera, non spectauit. præcipua sub Domitiano miseriarum pars erat, videre & aspici: cum suspicia nostra subscriberentur: cum denotâdis tot hominum palloribus sufficeret saeuus ille vultus & rubor, à quo se contra pudorem muniebat. Tu verò felix Agricola non vitæ tan-



tum claritate, sed etiam opportunitate mortis ut perhibent qui  
interfuerunt nouissimis sermonibus tuis, constans & libens facum  
excepisti, tamquam pro virili portione innocentiam principi do-  
nares. Sed mihi filiaeq; praeter acerbitem parentis erepti, auget  
maestitiam, quod assidere valetudini, fouere deficientem, satia-  
ri vultu, complexu, non contigit. excepissem certe mandata vo-  
cesq;, quas penitus animo figeremus. Noster hic dolor, no-  
strum vulnus: nobis tam longae absentiae conditione ante quadri-  
ennium amissus es. Omnia sine dubio, optima parentum assiden-  
te amantissima vxore, superfuere honori tuo: paucioribus tamen  
lachrimis compositus es, & nouissima in luce desiderauere ali-  
quid oculi tui. Si quis piorum manibus locus, si, ut sapientibus  
placet, non cum corpore extinguuntur magnae animae; placide  
quiescas. nos domum tuam ab infirmo desiderio, & mulieribus  
lamenti ad contemplationem virtutum tuarum voces, quas ne-  
que lugeri, neq; plangi fas est: admiratione\* te potius temporali-  
bus laudibus, & si natura suppediter,\* militum decoramus. Is ve-  
rus honos, ea coniunctissimi cuiusq; pietas. Id filiae quoq; vxo-  
riq; praeeperim, sic patris, sic mariti memoriam venerari, ut  
omnia facta dictaq; eius secum reuoluant, famamq; ac figuram  
animi magis quam corporis complectantur. non quia interce-  
dendum putem imaginibus quae marmore aut aere finguntur: sed  
ut vultus hominum, ita simulacra vultus imbecilla ac mortalia  
sunt: forma mentis aeterna. quam tenere & exprimere non per  
aliena materiam & artem, sed tuis ipse moribus possis. Quid-  
quid ex Agricola amauimus, quidquid mirati sumus, manet,  
mansurumq; est in animis hominum, ita aeternitate temporum,  
fama rerum. Nam multos veterum velut inglorios & igno-  
biles obliuio obruet: Agricola posteritati nar-  
ratus & traditus, superstes erit.









3467



8127

---

31



